




ՄՈՍԿՎԱՅԻ ՊԱՏՐԻԱՐԺԱՐԱՆԻ ՀՐԱՏԱՐԱԿԶՈՒԹՅԱՆ
ԲԱԺՆԻ ՆԱԽԱԳԱՀ ՊԻՏԻՐԻՄ ՄԻՏՐՈՊՈԼԻՏԻ
ՇՆՈՐՀԱՎՈՐԱՆՔԻ ԽՈՍՔԸ ԱՄԵՆԱՅՆ ՀԱՅՈՑ ՎԵՀԱՓԱՌ
ՀԱՅՐԱՊԵՏԻՆ՝ ԾՆՆԴՅԱՆ 80 ԵՎ ԳԱՀԱԿԱԼՈՒԹՅԱՆ
ՅՅ-ԱՄՅԱԿՆԵՐԻ ԱՌԹԻՎ

ՋԵՐԴ ՍՐԲՈՒԹՅՈՒՆ,
Ի ՔՐԻՍՏՈՍ ՍԻՐԵՑՅԱԼ ՎԵՀԱՓԱՌ ՏԵՐ,


Օրհնյալ է Ձեր 80-ամյակը: Խնդրում եմ ընդունել սրտագին շնորհա-
վորանքներ և անկեղծ բարեմաղթություններ:

Մոսկվայի Պատրիարքարանի հրատարակչության բաժնի բոլոր աշ-
խատակիցների հետ, որոնք Ձեզ սիրում են և խորապես պաշտում, ցան-
կանում եմ Ձեզ Աստուծո անմվազ ողորմությունը, խաղաղություն և քաջ-
ատղջություն, բարգավաճում Հայ Առաքելական Եկեղեցուն, Հայաստանին՝
բարօրություն և երջանկություն:

Տիրոջ նախախնամությանը հաճելի էր, որ Ձեր 80-ամյակը համընկներ
Ձեր քահանայապետական ծառայության ՅՅ-ամյակին, և դա իրոք նշանա-
կալի զուգադիպություն է: Հայ Եկեղեցին հպարտանում է Ձեզանով՝ իր գե-
րագույն առաջնորդով, որը արժանացել է համաշխարհային քրիստոնեու-
թյան խորին հարգանքին: Ձեր հայրապետական փառքում արտացոլվում է
Ձեր անձի փայլը: Դեռ պատանեկան տարիներից Դուք շնորհագարդված
եք Տիրոջ կողմից Ձեզ տրված փայլուն տաղանդով և հոգևոր բազում պար-
գներով: Տերը՝ ամենայն բարյաց Պարգևատում, շնորհել է Ձեզ հոգևոր
ամրություն և սրտի իմաստություն, դժվարագույն, սակայն նաև գեղեցիկ
կյանք՝ համակված ժողովրդի մեծ սիրով:

...Ուրու Պրավոսլավ և Հայ Առաքելական Եկեղեցիներին հարազատաց-
նում է հոգևոր մեծ ընդհանրությունը: Խորին բարեկամական զգացմունք-
ներ էր տածում Ձեր նկատմամբ իմ հոգևոր ուսուցիչ և հայր սրբազնագույն
Պատրիարք Ալեքսին: Դրան ես վկա եմ:

Նորին Սուրբ Օծություն Պիմեն Պատրիարքը Ձեզ անվանել է «եկեղե-



Ա. ԷԶԵՐԱՆՆԻ ՄԱՅՐ ՏԱԺԱՐԸ

ցական նալի իմաստուն նալապետ, կրոնական-ազգային օջախի շուրջ հայերի հոգևոր միավորողը: Դա իրոք այդպես է:

...Հայ Եկեղեցին հաջողությամբ տանում է բարոյա-հայրենասիրական և մշակութային մեծ աշխատանք՝ աջակցելով պատմության ուսումնասիրմանը, ընտանիքի ամրապնդմանը, բարեգործության և գթասիրության զարգացմանը, այլադավանների նկատմամբ հանդուրժողության, եղբայրական փոխըմբռնման, համագործակցության և բարի կամեցողության ոգով:

Դուք մշտապես կոչ եք անում հայերին և ադրբեջանցիներին, հայերին և վրացիներին, Կովկասի այլ ազգերին՝ հարգել ի՞նչը մյուսի ազգային և կրոնական-մշակութային ինքնությունը՝ պահպանելով բարի դրացիական հարաբերություններ: Դուք այժմ էլ առաջնորդվում եք Ավետարանի ոգով, իբրև բարոյական չափանիշ՝ օգնելով հայերին հաղթահարելու ճգնաժամային իրավիճակը, որը առաջ է եկել Սումգայիթի և Լեռնային Ղարաբաղի իրադարձություններից: Այսօր, երբ իրավիճակը այդ շրջանում նորից սրվել է, մենք հուսով ենք, որ Ձեր հեղինակավոր խոսքը կրկին կը դառնա խաղաղեցման գրավական:

...Ռուս Պրավոսլավ Եկեղեցու զավակները երջանիկ էին ողջունելով Ձեզ վերջերս տեղի ունեցած տոնակատարությունների ժամանակ՝ նվիրված Ռուսաստանի մկրտության 1000-ամյակին: Դուք միշտ ցանկալի և թանկագին հյուրն եք մեր հրատարակչական բաժնի:

Մենք աղոթում ենք այն բանի համար, որ ամենափրկիչ Տերը շնորհի Ձեզ երկար կյանք այս աշխարհում և երկար-երկար տարիների Իր ողորմության բարիքները, որպեսզի ամրապնդի Ձեզ հայ ժողովրդի կյանքում այս պատասխանատու պահներից մեկի ժամանակ՝ Խորհրդավոր Լույսի ներքո:

Սիրով ի Քրիստոս՝

ՊԻՏԻՐԻՄ

ՎՈԼՈԿՈԼԱՄԻ ԵՎ ՅՈՒՐԵՎԻ ՄԻՏՐՈՊՈԼԻՏ,
ՄՈՍԿՎԱՅԻ ՊԱՏՐԻԱՐԺԱՐԱՆԻ ՀՐԱՏԱՐԱԿՉՈՒԹՅՈՒՆ
ԲԱԺՆԻ ՆԱԽԱԳԱՀ

Մոսկվա,

24 սեպտեմբերի 1988 թ.

